

Վիճակաւոր Առաջնորդ Հայոց Համախառն թեմի
Համար 150

ի 1 մայիսի 1888 ամի ի Բ. Բազու

Մ

եծապատիւ հիմնադիր անդամոյ Հոգաբարձութեան Բուդաղեան
վանական դպրոցին Սաղիանի վանից :

Պ. Մովսէս Գալստեան Բուդաղեանց .

Վեհափառ Կաթողիկոսն ամենայն հայոց Տ. Տ. Մակար
համաձայն յայտարարութեան իմոյ յ31 յունվարի այսր 1888
ամի հմ. 50 կոնդակաւ իւրով ի 6 ապրիլի անցելոյ հմ. 146,
յայտնելով զհաստատութենէ հիմնական կանոնաց Բուդաղեան
վանական երկդասեան ուսումնարանի վանից Ս. Ստեփաննոսի՝
որ ի Սաղիան՝ առաքել բարեհաճել է առ մեզ զնոյն իսկ կանո-
նադրութիւնն հաստատեալն ի նոյն թիւ ամսոյ հմ. 147,
վասն պահելոյ զայն ի զործս մեր կամ ի վիճակային ատենին
Համախառն թեմի , և զպատճէնս այնորիկ յանձնել Հոգաբար-
ձութեան Բուդաղեան վանական դպրոցին և վանահօրն այնր՝
վանից վասն զործադրութեան :

Արդ՝ ըստ որում ի վեցերորդ (2) յօդուածոյ կանոնադրու-
թեանն այնմիկ տեսանի , զի առաջին յանդամոց Հոգաբարձու-
թեան պարտի լինիլ ի Բուդաղեան ազգատոհմէ իրաւամբ Հնոր-
հելոյ Ձեր և եղբարց Ձերոց զ10,000 ըուբլիս յապահովութիւն
այնմիկ դպրոցին , և դուք առաջինն էք յեղբարս Ձեր . ուստի
համաձայն խորհրդոյ յարգոյ եղբարց Ձերոց պ. Եղիայի և Ննով-
քայ , և եղբօր որդւոյ Ձերոյ Սմբատայ և Նրուանդայ՝ հաստա-
տեմք զՔեզ ի պաշտաման հիմնադիր անդամոց Հոգաբարձու-
թեան Բուդաղեան վանական դպրոցին Սաղիանի վանից և ա-
ռաքելով առ Ձեզ զվաւերացեալ պատճէն կոնդակին և կանո-
նադրութեան այնմիկ՝ հրաւիրեմք զՁեզ խորհրդակցութեամբ
ընդ միւս անդամոց Հոգաբարձութեան այնմիկ դպրոցին՝ որ ի
Բազու քաղաքի պարոն Գրիգորի Սաղաթիէլեան Ասլանեանց՝
փոյթ և խնամ ունել պատրաստութեան շինութեան¹⁾ և պարա-

¹⁾ Բուդաղեան եղբարք յ1894 ամն՝ թէ ևւ ժամամակ չունեցան զպրո-
ցի շինութիւնը պատրաստել . բայց ուսումն շարունակեցաւ վանուց սենեկաց
մէջ , եւ այժմ եւս շարունակի :